



## Den Zinniklesche

't ass kal, dobaussen hault de Wand,  
den Zinniklesche geet duerch d'Land.  
En huet sech op de Wee gemaach,  
well 't ass säin hell'gen Namensdag.

E geet mat sengem grouse Kuerf  
duerch jiddfer Gaass, duerch jiddfer Duerf.  
A wou brav Kanner sinn am Haus,  
do geet e 'ran, do deelt en aus.

Deen ee kritt dëtt, deen an'ren dat,  
sou wéi et steet op sengem Blat.  
En ass e gudden ale Mann,  
a mécht alt wat e maache kann.

An huet e muerges, géint der Dag,  
duerch d'Haiser da säin Tour gemaach,  
da geet 'n am Éislék op eng Kopp  
an heemlech an den Himmel op.